



JAVNI POZIV
ZA UČEŠĆE MALIH I SREDNJIH PREDUZEĆA
U PROGRAMU TEHNIČKE PODRŠKE ZA RAZVOJ VJEŠTINA I
POSLOVNIH RJEŠENJA ZASNOVANIH NA PRINCIPIMA ZELENE HEMIJE
I CIRKULARNE EKONOMIJE

Decembar 2025. godine



UNDP poziva **mala i srednja preduzeća** da se prijave za učešće u programu tehničke podrške koji ima za cilj **unapređenje kapaciteta MSP sektora** kroz:

- jačanje znanja i vještina zaposlenih,
- razvoj inovativnih i održivih poslovnih modela,
- primjenu principa **zelene hemije** i **cirkularne ekonomije** u poslovanju.

Program pruža stručno mentorstvo, prilike za umrežavanje i podršku u razvoju konkretnih rješenja koja doprinose zelenoj i konkurentnoj ekonomiji.

Preduzeća će na kraju programa imati **razvijene planove za implementaciju principa zelene hemije i cirkularne ekonomije**. Ovi planovi će uključivati i razvoj investicionog plana koji će omogućiti efikasniji pristup finansijskim proizvodima kod domaćih i međunarodnih finansijskih institucija.

Kroz ovu aktivnost bit će odabrano **do 10 preduzeća iz Bosne i Hercegovine**, kojima će program ponuditi:

- razvoj internih kapaciteta,
- analitičku i savjetodavnu podršku,
- treninge usmjerene ka razvoju zelenijih i cirkularnih poslovnih modela.

Po završetku tehničke pomoći, preduzeća će imati razvijene **Planove tranzicije na zelenu hemiju i cirkularnu ekonomiju**, sa jasno definisanim koracima, ciljevima i indikatorima neophodnim za postizanje zelenih i cirkularnih ciljeva.

Za učešće u programu mogu se prijaviti **mala i srednja preduzeća** registrovana u Bosni i Hercegovini, sa **10 – 250 zaposlenih**, koja **nemaju udio javnog kapitala**. Program je namijenjen preduzećima koja posluju u **prerađivačkim industrijama, osim preduzeća koja se bave proizvodnjom i/ili prodajom alkoholnih pića, duhanskih proizvoda i oružja i municije**. Svako preduzeće može podnijeti **samo jednu, samostalnu prijavu**, pripremljenu u skladu sa Smjernicama i prijavnim paketom. Kao dio prijave, preduzeća trebaju dostaviti **kratak koncept projektne ideje** koja opisuje potencijalne mjere, aktivnosti ili inovacije koje bi željeli razviti uz podršku programa. Cilj je da se kroz proces tehničke pomoći ove ideje dalje razrade i pretvore u konkretne planove tranzicije na zelenu hemiju i cirkularnu ekonomiju, uključujući i identifikaciju mogućih investicija pogodnih za buduće finansiranje.

Rok za prijavu: 29.12.2025. godine

Način prijave: <https://javnipoziv.undp.ba>

Za dodatne informacije posjetite: <https://javnipoziv.undp.ba> – obrazac za upite

Ova aktivnost se provodi u okviru portfolija "Podrška ubrzanju zelene tranzicije u Bosni i Hercegovini", finansiranog od strane Švedske i Švicarske, a koju implementira UNDP i UN agencije u saradnji sa svojim institucionalnim partnerima.



Smjernice za podnosiocce prijava

Decembar 2025. godine

1 PREDMET I SVRHA JAVNOG POZIVA

Portfolio „Podrška ubrzanju zelene tranzicije u Bosni i Hercegovini“ ima za cilj doprinijeti pravednoj zelenoj tranziciji u Bosni i Hercegovini kroz osnaživanje donosilaca odluka, preduzeća, zajednica, preduzetnika i naučne zajednice da razvijaju i provode politike i rješenja koja doprinose značajnoj dekarbonizaciji i smanjenju emisija CO₂. Ključna fokusna područja uključuju prelazak sa fosilnih goriva na čistu energiju (s ciljem da najugroženije grupe izađu iz energetske siromaštva), eliminaciju otpada i zagađenja, suzbijanje štetnih uticaja na okoliš, uvođenje cirkularnih i klimatski neutralnih poslovnih modela te zaštitu prirodnih resursa. Portfolio podržava efikasan, pravedan i održiv razvoj kroz dijalog o politikama, unapređenje regulatornog okvira, izgradnju kapaciteta i podsticajne mehanizme u oblasti energetske održivosti, upravljanja otpadom, održivih poslovnih modela, zelene hemije i zaštite okoliša, doprinoseći sistemskim promjenama za zelenu tranziciju Bosne i Hercegovine. Portfolio je organizovan u četiri komponente: Dekarbonizacija, Smanjenje zagađenja, Zaštita životne sredine i Cirkularna ekonomija.

U okviru komponenti Smanjenje zagađenja i Cirkularna ekonomija, radi se na promociji zelene hemije u ključnim industrijama kroz angažman relevantnih aktera, sprovođenje okolišnih audita, izradu planova implementacije mjera i uvođenje sigurnijih, manje toksičnih tehnoloških rješenja, te na pružanju tehničke pomoći i izgradnju kapaciteta za mala i srednja preduzeća (MSP) u usvajanju cirkularnih poslovnih modela, uključujući unapređenje vještina radne snage za poslove u zelenoj i cirkularnoj ekonomiji. Na osnovu ovih aktivnosti i njihovih ciljeva, pripremljen je i sam Javni poziv za UČEŠĆE MALIH I SREDNJIH PREDUZEĆA U PROGRAMU TEHNIČKE PODRŠKE ZA RAZVOJ VJEŠTINA I POSLOVNIH RJEŠENJA ZASNOVANIH NA PRINCIPIMA ZELENE HEMIJE I CIRKULARNE EKONOMIJE .

U okviru javnog poziva bit će odabrano **do 10 preduzeća** za učešće u **programu tehničke podrške** koji ima za cilj **razvoj vještina i poslovnih rješenja zasnovanih na principima zelene hemije i cirkularne ekonomije**.

Program je osmišljen da, kroz kombinaciju **treninga, mentorstva i stručnog savjetovanja**, omogući kompanijama da:

- razviju **konkretnu mjere za povećanje resursne efikasnosti**,
- smanje **negativan utjecaj poslovanja na okoliš**,
- unaprijede **konkurentnost i održivost poslovanja** kroz racionalizaciju troškova, inovacije i digitalizaciju procesa.

Podrška u okviru programa obuhvata:

- **Specijalistički modularni trening program** – tri interaktivna treninga fokusirana na **principe i strategije zelene hemije i cirkularne ekonomije**, s posebnim naglaskom na praktične alate i primjere primjene u industriji. Treninzi su prilagođeni učenju odraslih i podrazumijevaju iskustveno i interaktivno učešće polaznika. Troškove treninga u potpunosti snosi **UNDP**.
- **Individualiziranu mentorsku podršku** – kombinaciju **terenskih posjeta kompanijama i do pet online mentorskih sesija**, prilagođenih specifičnim potrebama svakog preduzeća. Mentori će pomoći učesnicima da identifikuju ključne prilike i prepreke u tranziciji prema cirkularnim modelima poslovanja, te da razviju praktične korake za njihovu implementaciju.
- **Izradu Planova tranzicije zasebno za zelenu hemiju i cirkularnu ekonomiju** – uz tehničku i mentorsku podršku stručnjaka, preduzeća će razviti **strategijske** dokumente za naredni period od 3 do 5 godina koji definiše:
 - korake, ciljeve i aktivnosti za unapređenje resursne efikasnosti,
 - mogućnosti primjene principa zelene hemije i cirkularne ekonomije,
 - digitalna i inovativna rješenja za optimizaciju procesa i smanjenje troškova,
 - investicione prioritete i plan finansiranja transformacije.

Planovi će biti usklađeni s relevantnim **ESG standardima** i **EU industrijskim indikatorima**, te će pomoći kompanijama da identifikuju **prioritetne strateške investicije** kao sastavni dio *investicionog plana koji će omogućiti efikasniji pristup finansijskim proizvodima kod domaćih i međunarodnih finansijskih institucija*.

2 PRIHVATLJIVI PODNOSIOCI PRIJAVA

Za učešće u programu tehničke podrške za razvoj vještina i poslovnih rješenja zasnovanih na principima zelene hemije i cirkularne ekonomije mogu se prijaviti **mala i srednja preduzeća (MSP)** koja ispunjavaju sljedeće uslove¹:

- registrovana su u **Bosni i Hercegovini** i zapošljavaju radnike u BiH;
- imaju **više od 10, a manje od 250 zaposlenih**;

¹ Sva preduzeća čiji projekti budu odabrani za preliminaru listu moraju, u skladu s politikama UNDP-a, proći proceduru procjene rizika kao oblik provjere prije objave finalne liste odabranih kompanija. Ustanovljen stepen visokog rizika kao rezultat procjene rizika ima eliminatorni karakter. Više o proceduri dostupno je na [Policy on Due Diligence and Partnerships with the Private Sector | United Nations Development Programme](#)

- posluju u okviru **jednog od prihvatljivih sektora** navedenih u nastavku;
- **nemaju udio javnog kapitala** ili glasačkih prava koja pripadaju javnom kapitalu.

Svako preduzeće može podnijeti **samo jednu prijavu**, i to **samostalno** – zajedničke prijave više podnosilaca neće biti razmatrane.

Prijava mora biti pripremljena u skladu sa **Smjernicama i prijavnim paketom** (uključujući obrazac koncept projekta i sve potrebne priloge), te mora **doprinositi ciljevima i očekivanim rezultatima** ovog javnog poziva.

Podrška je namijenjena projektima koji doprinose primjeni načela zelene hemije, povećanju industrijske resursne efikasnosti i razvoju cirkularnih lanaca vrijednosti, uz inovativna rješenja u sljedećim sektorima:

- proizvodnja tekstila, odjeće, kože i srodnih proizvoda,
- prerada drva i proizvoda od drva i pluta, te proizvodnja predmeta od slame i pletarskih materijala,
- proizvodnja papira i proizvoda od papira,
- proizvodnja proizvoda od gume i plastike,
- proizvodnja namještaja,
- proizvodnja gotovih metalnih proizvoda (osim oružja i municije),
- ostala prerađivačka industrija, osim preduzeća koje se bave proizvodnjom i/ili prodajom alkoholnih pića ili duhanskih proizvoda.
- građevinski sektor (visokogradnja, niskogradnja i specijalizirane građevinske djelatnosti).

U okviru ovog javnog poziva prihvatljive su prijave za projekte koji će se realizovati na teritoriji **Bosne i Hercegovine**.

3 SMJERNICE ZA PRIJAVU I POTREBNA PRATEĆA DOKUMENTACIJA

Prijave za podršku trebaju biti dostavljene u formi koju propisuje ovaj poziv, uključujući sve tražene priloge i dokumentaciju. Prijave se podnose na jednom od službenih jezika Bosne i Hercegovine. **Rukom pisane i nepotpune prijave se neće uzeti u razmatranje.**

3.1 Potrebna dokumentacija

Obavezna dokumentacija koju trebaju dostaviti podnosioci prijava (u skladu sa specifičnostima projektnog prijedloga i oblika organizovanja) je:

1. Ispravno popunjen **Prijavni obrazac** Potrebno je dostaviti dvije verzije ovog dokumenta – jednu u PDF formatu koja mora biti potpisana i ovjerena, te drugu verziju u Word formatu;
2. Registracija pravnog lica sa jasno iskazanom trenutnom vlasničkom strukturom (**prvo rješenje** o registraciji ili **aktuelni izvod** iz sudskog registra);
3. Ljekarsko uvjerenje ili drugi zvanični dokument kao potvrda, ukoliko je vlasnik ili odgovorno lice osoba sa invaliditetom
4. Potpisana i opečaćena izjava vlasnika/odgovornog lica da preduzeće nije u postupku predstečajne nagodbe ili likvidacije;
5. Potpisana i opečaćena izjava da vlasnik/odgovorno lice podnosioca prijave nije osuđivan za kazneno djelo vezano za svoje poslovanje na temelju pravosnažne presude;
6. Potpisana i opečaćena izjava da vlasnik i odgovorno lice podnosioca prijave ne obnaša javnu funkciju;
7. Potpisana i opečaćena izjava o nepostojanju neispunjenih obaveza po osnovu korištenja poticajnih mjera entitetskih ministarstava/relevantnih institucija u BiH.

Prijavni obrazac omogućava preduzećima da predstave osnovne informacije o preduzeću i konkretnoj projektnoj ideji. Od aplikanata se očekuje da u obrascu jasno opišu projekat, definišu ciljeve i očekivane rezultate, te objasne značaj projekta za unapređenje poslovanja. , Kroz prijavni obrazac preduzeća predstavljaju proizvod ili poslovni model koji žele razviti, trenutno stanje i izazove s kojima se suočavaju, kao i vrstu tehničke podrške koja im je potrebna (treninzi, mentorska podrška, savjetovanje), s naglaskom na razvoj rješenja zasnovanih na principima zelene hemije i cirkularne ekonomije. Dodatno, prijavni obrazac će se koristiti i u sljedeće svrhe:

- razumijevanje potreba i potencijala preduzeća,
- precizno prilagođavanje tehničke i mentorske podrške od strane eksperata,
- razvoj Planova tranzicije za zelenu hemiju i cirkularnu ekonomiju tokom programa.

Preduzeća čije projektne ideje budu najbolje ocijenjene biće pozvane da učestvuju u programu tehničke podrške.

Izjave po tačkama 6.- 9. mogu se objediniti u jednu izjavu.

Primjer izjave može se pronaći u **Prilogu 1**.

3.2 Način dostave prijave

Prijava se podnosi putem online platforme <https://javnipoziv.undp.ba>. Instrukcije za korištenje online platforme možete pronaći na: <https://javnipoziv.undp.ba>.

3.3 Krajnji rok za podnošenje prijave

Javni poziv će biti otvoren od **01.12.2025. godine**, dok je krajnji rok za prijave **29.12.2025. godine do 17:00 sati**. Prijave podnesene kroz druge kanale (pošta ili email) se neće uzeti u razmatranje.

3.4 Dodatne informacije

Dodatna pitanja u vezi ovog poziva se mogu dostaviti putem formulara za pitanja na web stranici <https://javnipoziv.undp.ba> u periodu od **01.12. do 19.12.2025. godine**. Na sva pitanja koja stignu prije ili poslije navedenog roka se neće odgovarati. Prije postavljanja pitanja zainteresovani podnosioci prijave trebaju pažljivo pročitati dokument Smjernice za podnosiocima prijave i postojeća pitanja i odgovore vezane za ovaj javni poziv. Projekat neće odgovarati na već odgovorena pitanja.

Pored toga, Projekat zadržava pravo da ne ponudi odgovor na generalna, nepotpuna i/ili neprecizna pitanja (npr. ukoliko se odgovor na pitanje nalazi u dokumentu Smjernice za podnosiocima prijave ili su pitanja već adresirana u sekciji Pitanja i odgovori, i slično), te na pitanja koja se odnose na tehničku pomoć i/ili savjetovanje vezano za pripremu projektnog prijedloga ili prijave. Svi odgovori na pitanja koji mogu biti relevantni i za ostale podnosiocima prijave, redovno će se objavljivati na web stranici <https://javnipoziv.undp.ba>.

4 PROCES ODABIRA

4.1 Postupak

Podnesene koncepte projekata (projektni prijedlog) će provjeravati i ocjenjivati Komisija za ocjenu koncept projekta, sastavljena od imenovanih predstavnika UNDP-a.

Podnosioci prijave u prvom koraku dostavljaju koncept projekta koji se podnosi putem **Obrasca koncepta projekta** u prilogu Smjernica, zajedno sa pratećom dokumentacijom (3.1. Potrebna dokumentacija).

U sklopu prvog koraka, po prijemu i otvaranju prijave, provjerava se da li podnesena prijava ispunjava **sve kvalifikacione kriterije** navedene u dijelu **4.2 Kriteriji za evaluaciju**. Nakon provjere ispunjenosti osnovnih kvalifikacionih kriterija, u narednoj fazi će se izvršiti provjera ispunjenosti **kvalitativnih kriterija** od strane Komisije te njihovo bodovanje po kriterijima (Tabela

1). Za razliku od osnovnih kvalifikacionih kriterija, kvalitativni kriteriji nisu eliminatorni i njihovo neispunjavanje ili djelimično ispunjavanje neće diskvalifikovati podnosioca iz procesa evaluacije.

4.2 Kriteriji za evaluaciju

Kvalifikacioni kriteriji

1. Prijava dostavljena do naznačenog roka
2. Dostavljeni svi dokumenti navedeni u tački 3.1. Smjernica
3. Preduzeće nije u postupku predstečajne nagodbe ili likvidacije (*dokaz izjava*),
4. Vlasnik/odgovorno lice podnosioca prijave nije osuđivan za kazneno djelo vezano za svoje poslovanje na temelju pravosnažne presude (*dokaz izjava*),
5. Vlasnik/odgovorno lice podnosioca prijave ne obnaša javnu funkciju (*dokaz izjava*),
6. Kompanija nema neispunjenih obaveza po osnovu korištenja poticajnih mjera entitetskih ministarstava/relevantnih institucija u BiH (*dokaz izjava*).

Kvalitativni kriteriji

Tabela 1 Ocjena koncepta projekta na osnovu kvalitativnih kriterija

Br.	Kriterij	Max. bodova	Način bodovanja	Sredstva verifikacije
1	Vlasnik/ca ili odgovorno lice podnosioca prijave je žena	5	0 bodova - Ne 5 bodova - Da	Kopija registracije preduzeća
2	Vlasnik/ca ili odgovorno lice podnosioca prijave je mlađi/a od 30 godina	5	0 bodova - Ne 5 bodova - Da	Obrazac koncepta projekta
3	Vlasnik/ca ili odgovorno lice je osoba s invaliditetom	5	0 bodova - Ne 5 bodova - Da	Ljekarsko uvjerenje ili drugi zvanični dokument
4	Relevantnost prijedloga – projekat je u skladu s ciljevima javnog poziva i doprinosi razvoju zelenih i cirkularnih poslovnih modela	45	0 - 10 bodova - Projekat je djelimično u skladu s ciljevima poziva; slabo obrazložena veza s zelenom hemijom i cirkularnom ekonomijom 11 - 25 bodova - Projekat je uglavnom usklađen s ciljevima, ali nedostaju jasni	Obrazac koncepta projekta

			dokazi, konkretni rezultati ili razrađene aktivnosti 26 - 40 bodova - Visok nivo relevantnosti; jasno definisan doprinos cirkularnim i zelenim poslovnim modelima. 41 - 45 bodova - Izuzetno relevantan prijedlog; snažan doprinos ciljevima poziva, koji je mjerljiv i jasno argumentovan.	
5	Održivost i utjecaj – projekat doprinosi jačanju kapaciteta, konkurentnosti i resursne efikasnosti preduzeća, te ima potencijal za dugoročne koristi i širi sektor	30	0 - 10 bodova - Održivost projekta nije jasno prikazana 11 - 20 bodova - Postoji određeni potencijal za održivost projekta, međutim, utjecaj projekta je nedovoljno razjašnjen. 21 - 30 bodova - Uvjerljiva i dokazana održivost; snažan i dugoročan utjecaj na sektor/kompaniju.	Obrazac koncepta projekta
6	Inovativnost i primjena principa zelene hemije i cirkularne ekonomije – uključuje nove proizvode, procese, ili dizajn zasnovan na zelenim i cirkularnim principima, standardima i efikasnijem korištenju resursa	10	0 - 3 boda - Minimalan nivo inovativnosti; projekat ne uvodi značajne promjene u procese ili proizvode. 4 - 6 bodova - Umjerena inovativnost; određeni aspekti cirkularnosti i resursne efikasnosti prisutni. 7 - 9 bodova - Visok	Obrazac koncepta projekta

			nivo inovativnosti; projekat uvodi nove pristupe, tehnologije ili proizvode zasnovane na principima cirkularne ekonomije i zelene hemije. 10 bodova - Razvoj novog proizvoda na tržištu koji je u potpunosti usklađen s principima zelene hemije i cirkularne ekonomije.	
	Ukupno	100		

Nakon ocjenjivanja koncepta projekta u skladu s navedenim kriterijima, definiše se rang lista u skladu s ostvarenim brojem bodova, sa koje će se odabrati maksimalno 10 prvorangiranih preduzeća za učešće u programu. Finalna rang lista odabranih preduzeća objavit će se nakon izvršenih verifikacijskih posjeta i due dilligence provjere.

UNDP zadržava pravo da traži dodatnu dokumentaciju ukoliko se utvrdi da je ista potrebna.

VAŽNO:

U slučaju da se kroz proces evaluacije i verifikacije podataka iz prijava dođe do saznanja o lažnom predstavljanju i davanju netačnih informacija, podnosilac prijave će po automatizmu biti isključen iz projekta. Svako vještačko stvaranje uslova za dobivanje prednosti za podnesenu prijavu smatra se grubim kršenjem pravila ovog javnog poziva. Takve prijave će biti automatski isključene iz daljnjeg razmatranja.

Pored ovoga, svaki pokušaj uticaja na proces ocjenjivanja prijava kao i otkrivanje informacija o procesu ocjenjivanja, uključujući i žalbeni proces, prije njegovog zaključivanja će rezultirati odbijanjem takvih prijava/žalbi.

5 OBAVIJEST O REZULTATIMA POZIVA

Komisija za odabir će nakon ocjenjivanja pristiglih prijava napraviti preliminarnu listu² odabranih projekata koja će biti objavljena na web stranici www.ba.undp.org i www.zamisli2030.ba.

Na rezultate preliminarne liste podnosioci prijava mogu uložiti prigovor, uz odgovarajući dokaz, u roku od 7 dana od dana objave preliminarne liste. Prigovori se predaju u zatvorenoj koverti preporučenom poštom ili kurirskom poštom na sljedeću adresu:

Razvojni program Ujedinjenih nacija (UNDP)

Portfolij "Podrška ubrzanju zelene tranzicije u Bosni i Hercegovini"

UN HOUSE

Zmaja od Bosne bb, 71 000 Sarajevo

Konačna lista odabranih korisnika će također biti objavljena na web stranicama www.ba.undp.org i www.zamisli2030.ba. Na konačnu listu odabranih korisnika neće biti moguće uložiti prigovor.

I. Indikativni vremenski okvir

Predviđeni indikativni vremenski okvir za provedbu procesa odabira je kako slijedi:

AKTIVNOSTI	INDIKATIVNI DATUMI
Objava poziva	01.12.2025.
Krajnji rok za dodatne upite i pojašnjenja	19.12.2025.
Rok za podnošenje koncepta projekta	29.12.2025.
Evaluacija prijave	20.01.2026.
Obavijest o preliminarnim rezultatima poziva	22.01.2026.
Rok za prigovore	25.01.2026.

² Sva preduzeća čiji projekti budu odabrani za preliminarnu listu moraju, u skladu s politikama UNDP-a, proći proceduru procjene rizika kao oblik provjere prije objave finalne liste odabranih kompanija. Ustanovljen stepen visokog rizika kao rezultat procjene rizika ima eliminatorni karakter. Više o proceduri dostupno je na [Policy on Due Diligence and Partnerships with the Private Sector | United Nations Development Programme](#)



6 PRILOZI

Prilog 1. Prijavni obrazac

Prijavni obrazac za učešće u programu tehničke podrške za razvoj vještina i poslovnih rješenja zasnovanih na principima zelene hemije i cirkularne ekonomije

Portfolij "Podrška ubrzanju zelene tranzicije u Bosni i Hercegovini" -KOMONENTA SMANJENJA ZAGAĐENJA I KOMONENTA CIRKULARNE EKONOMIJE

1. Osnovni podaci o preduzeću

Podatak	Unos / Oznaka
Naziv preduzeća	
JIB	
Datum registracije	
Adresa sjedišta	
Web stranica (ako postoji)	
Broj zaposlenih	
Kontakt osoba (ime, prezime, pozicija)	
Telefon	
E-mail	
Organizacioni oblik	☐ Malo preduzeće ☐ Srednje preduzeće
Da li je vlasnik/odgovorno lice:	☐ Žena ☐ Osoba mlađa od 30 godina ☐ Osoba s invaliditetom
Glavna djelatnost (naziv i udio u prihodu 2025.)	
Sektor djelatnosti (označiti)	☐ Tekstil / odjeća ☐ Koža ☐ Drvo / papir ☐ Plastika / guma ☐ Metal ☐ Namještaj ☐ Građevina ☐ Ostalo: _____

2. Opis projektne ideje

Pitanje	Odgovor (slobodan unos)
Naziv projektne ideje	
Šta želite unaprijediti kroz ovaj projekat?	npr. proces proizvodnje, novi proizvod, lanac snabdijevanja i sl.
Koji je glavni cilj koji želite da postignete?	Naveći precizan mjerljiv cilj: npr. smanjiti karbonski otisak, zamijeniti xx tona škodljive hemikalije sa neškodljivom, smanjiti potrošnju resursa za xx , reciklirati x tona otpada i sl.
Opis projektne ideje	Šta planirate uraditi, koje aktivnosti poduzeti, koje mjerljive rezultate očekujete od implementacije projekta?- dati tehnički opis projektne ideje
Zašto je projekat važan za vaše preduzeće i sektor?	npr. jačanje konkurentnosti, usklađivanje s EU standardima...
Koji su trenutno najveći izazovi u vašem poslovanju?	npr. nedostatak tehnologije, znanja, resursa, pristupa tržištu...

3. Očekivanja od programa

Vrsta podrške koja vam je najpotrebnija (označiti)
☐ Trening i obuke
☐ Mentorska podrška
☐ Savjetovanje o tehnologijama i procesima
☐ Razvoj investicionog plana / Plana tranzicije za zelenu hemiju i cirkularnu ekonomiju
☐ Drugo (navesti):

Ja, _____, ovim potvrđujem tačnost navedenih podataka i prihvatam da netačnost navoda u ovoj prijavi znači automatsku diskvalifikaciju mog učešća u programu tehničke podrške za razvoj vještina i poslovnih rješenja zasnovanih na principima zelene hemije i cirkularne ekonomije

Svojim potpisom potvrđujem da sam svjestan/na svih potencijalnih rizika uslijed učešća u navedenom programu kojima lično, moja imovina ili imovina trećih lica koju koristim u navedene svrhe, mogu biti izloženi te iste u potpunosti prihvatam na vlastitu odgovornost. Također sam u potpunosti svjestan/na da učešće u



trening programu podrazumijeva i određene rizike koji mogu rezultirati tjelesnom povredom, fizičkim oštećenjima opreme i sl., te navedene rizike u potpunosti prihvatam na vlastitu odgovornost.

Potpis:

Datum:

4. Dodatne informacije

(Postojeće aktivnosti ili planovi vezani za zelenu hemiju, cirkularnu ekonomiju, ili digitalizaciju)

Prilog 2. Izjava

IZJAVA

Ja, _____ /ime i prezime podnosioca prijave/vlasnika ili odgovornog lica kompanije/, pod punom krivičnom, moralnom i materijalnom odgovornošću izjavljujem da:

- preduzeće _____ /naziv preduzeća/ nije u postupku predstečajne nagodbe ili likvidacije;
- da vlasnik/odgovorno lice podnosioca prijave nije osuđivan za kazneno djelo vezano za svoje poslovanje na temelju pravosnažne presude;
- da vlasnik i odgovorno lice podnosioca prijave ne obnaša javnu funkciju;
- da ne postoje neispunjene obaveza po osnovu korištenja poticajnih mjera entitetskih ministarstava/relevantnih institucija u BiH.

Potpis: _____

Datum: _____

*** [OBRISATI SA IZJAVE]** Ukoliko vlasnik i odgovorno lice nisu ista osoba, potrebno je da zasebno potpišu izjave da *nisu osuđivani za kazneno djelo vezano za svoje poslovanje na temelju pravosnažne presude* i da *ne obnašaju javnu funkciju* (tačke 2 i 3 u izjavi iznad).